



5

石倉十二代詩選 三集卷二十七

愧瘖集

大明

莆田林大輅士
後學曹學佺閱

訪黃伯固讀封事稿作

黃憲自閩來鬢髮已非昨問之有遠思微言涕
俱落天王十四年化日淹行樂雪帳遊鸞輿凱
歌震沙漠十日職方郎封章意連絡 聖明能
容言苦口得良藥微臣思致身俟命甘烹鑊開
罪江湖深包荒天地廓皇皇走百寮愧矣乘軒

歷代詩選 明本以勇
鶴

卽事

孟春氣微暖太液流晴波鑾舟宴蘭渚彷彿蓬
山過西華雪初淨東日彤霞多妝樓虛綺石華
蓋偃松蘿玉鑰深宵閉言奏靈芝歌昭陽鐘未
曙雙星橫天河

省愆

沈憂變玄髮悠悠亂我思物情每翻覆哲士歎
支離刺牧尚微譴畢志摩于茲汲戇豈希世賈

哭奚蒙疑嗟嗟鼎釜養亶亶君親私辜深神亦
瞰數奇官初移子牟懷魏闕我生值明時不問
季主卜謫官從棲遲

吳門雜咏

阮籍窮途哭榮期長齡貧古人日已遠前籍時
相親棄置勿復道雅遊未沈淪遙遙荆門樹行
行楚澤濱巫山遠三峽章華夢非真世故悲江
漢羈孤報主身

其二

胥門郵程晚吳江聞風湍澄湖過平望物光皆
可歡菰米雜新餉鱸魚及野餐支離奚獨苦遠
役羈微官慷慨昔豈易循省慮今難盍簪匪細
故浮道懷考槃

贈從兄朝居

正德己卯春陽光流元液 天子欲巡遊旌旗
耀戎翟止輦有危言深爲志士惜械繫無好音
天威嚴咫尺腐儒不諳時悲憤竟朝夕胥昧效
微忠禍福無遑擇 聖明寬予誅百杖輕招辟

蹇屯無完膚匍匐雙股躄魑魅盤我牀沈虛驗
六脉藥理有深功餘年幸而繹罪重罰且微淡
旬罹橫逆萋菲入大庭顛沛長衢宅荆妻亦同
辜下井紛投石僉謂罪則然疑當受斯厄霄漢
不可蒙氛曠終自釋眇眇荆蠻鄉悠悠從遠謫
九月下幽燕方舟催巾舄清源路不通南北音
書隔去住心冲冲表家流水汨濟上聞人言我
兄久行客遲予居彭城倉皇落魂魄不寐坐天
明頓能寬肺腑孟冬日有五會兄淮陰驛相語

歷代詩選 明初以類
淚還流拭眼江雲碧言接后峰書幸疊叢而積
阿翁寢食違慈母衷腸折憂患苦駢臨謀身亦
何策時及仲秋初問病勤行役風雨阻脩途列
城戒兵革造次戎馬間淒涼斷行迹北望天之
涯傷哉無雙翮生還恩已多感嘆今猶昔人情
骨肉親相扶在急迫念兄肯遠來使我心愉懌
鵲鴿今在原矰繳焉能易涉水驚瀰茫登山虞
疹痠斗酒話綢繆茲會意所適桑梓惠前歡窮
年歸草澤問兒何滯淫老顏恍然闢長跼咽言

辭引慝徒踧躅戚戚將離別西陵亦砂蹟湘水
有檐禴臣心元自赤危坂日荆榛誰當芟夷責
馳驅不執禽舍此終何益回瞻古囊翁遠愧談
玄席寤寐勞吾生歲月不滿百行當謝喧囂相
隨辨菽麥

對飲哭何孟循 吳札題天久莫論 卽此日 卽此
孟循不携家鄉人之交亦鮮獄杖廷杖肌血
竟焉五日乃死予適在昏瞶哭之旋忘之今
逾歲矣追思昔痛乃復哭焉何時得洒淚宿

草也因寄同患蔣子雲黃伯固諸君子

哭君已逾年思君復茲夕病骨獨支離赭衣今
在席昔者達封章顛沛昧長策君志欲批鱗兩
僕滂無釋百杖裂肝腸天威莫能測五日強在
牀驚魂已離魄誼聞傳都門臨死猶易簣南歸
旅櫬孤辛酸隨所歷兒幼哭更揚嚴翁守空宅
嗟嗟哭君時風塵暗南陌歲月生死殊我愧遠
行客楚江流水長舟航隔潮汐容顏杳交期挂
劍悵今昔

輿載復入山清田貧者受糧占籍述事

民功積弗移憫窮百慮闕山路紆蒺藜林風灑
毛髮平渠過雨痕小野雲浮月感時匪自謀懷
人意超忽夷歌滯殊方炎序思病骨火雲眇西
行加餐更薇蕨民憂官長嗔釋鋤自趨謁輿夫
弱以羸險歷俟明發三載羈一官懷抱疇當揭
昔人意何聊書空乃咄咄從我兩奚童適遠力
已竭秭歸隔秋嵐舟濤莽飛越

其二

循崖涼籟平肩輿步更縮烏栖楓未丹蛩鳴桂
當馥山徑多狹斜場禾間生熟野燒入雲層細
流分遐瀑荒荒四五家靡靡妻孥族數歲聚比
隣八口同伯叔生理何寂寥瘠地種松竹松長
伐爲薪竹高伐作屋斗米價時騰青黃乖三伏
薄劣愧使君蒸藜欲並育誰謂古之民其野如
奔鹿魚遊依深淵鳥宿依叢木

至安仁秦鄭二同年憲副留飲

弭棹俯長川流光將及夕高樓忽颺風浮雲鮮

遺跡同袍多慨慷嘉會懷今昔遠別二十年近
別歲屢易章水有遐音葛陽垂雙壁邂逅值冬
初清尊慰行役佳人遺我思顏色端而懌高節
抗榮名扶搖振六翮縱飲且復歌茲歡良足惜

寒早應城道中

陟岡紛飄風適野森寒木原陸何蕭條數里見
民屋每逢官長過閉戶遠潛伏始招旣不來復
追乃長哭旁有父老言歉歲悲乳獨穉子事雞
豚室家藝黍菽曉食不能充催科何頻復茅茨

達路衢車馬相馳逐夜色暝山椒候火焚林樸
赧顏聆斯言奚爲茲華轂哀哀鴻雁鳴古道重
良牧

觀音岩觀瀑

寒序暄夕暉促駕貪奇覲未至望若窮至也煩
襟滌玄門漏霞光迴風淒四壁嗟哉百丈泉混
混日紛激氣分江漢清色與天河溘沃焦闢垢
氛青野隨所歷庄廬雙瀑高神功茲非敵軒車
來何遲徘徊異境逃雲淨石逾寒谷響山尤寂

松苓瀑可烹僊液懷涓滴豈無尋真者歲遠不
可覓日暮登前途踟躕我心戚

過黃岡張美中陳伯行二憲使請遊赤壁

次舊遊韻

杲日照北林丹崖俯幽壑寒流清若藍微風吹
雲漠極浦莽滌紆層峰亦連絡樵路歷荆秦邨
戶棲鳥雀嗟哉達士懷形骸非有託山人已明
農大觀從寥廓縱談天壤間萬事翳龍蠖巾舄
偕漁樵聊謝世人度

巴陵道中

靡蕪生道周榮木見棲鳥詰朝煙霞橫俄頃玄
雲繞纖纖雨足來洞庭望何眇懷役值暮春年
豐喜茲兆高原麥初蕃嘉穀苗仍小投艱匪力
任抱咎惟憂情喟哉傷伐檀徬徨咨民殍
讀儲光羲田家雜興次韻

林居穀雨平百畝連荒墅白屋滿茅茨新晴慰
男女蠶月伐桑桑耕朝治南圃僕童勞以嬉相
將藝禾黍遠泉抱邨流幾曲木蘭渚田翁餽行

役山婦緩秋杵鼎鼎百年中聲名復奚取

無齋其二

達隱迹深屏玄谷多行樂龐公居鹿門不知有
城郭青酒留尾盆隣人互秋穫遺穗分牛羊野
粒招鳥雀喧喧豪俠徒意氣傾京洛青衫結長
雄誰能盼穫落豈知耕稼人萬事秋雲薄

遊開先途中即事

郊原昔所經僕夫談舊事知我有良歡再過前
朝寺鳴笳列山椒懸旌耀谿次迹與纓冕同情

已朝市異石梁激清流林巒積空翠翠嶂香爐
高鶴鳴顏色媚鐘鼓湛餘清雙劍入雄視瀑來
風雨寒十里蕩玄思依依山人居耕鑿本無累
而我謝浮名卜廬亦誰忌昔賢不可招石門還
夢寐

其二

殘雪明寒郊流水冰初折谷風阻歸舟弭棹意
無適別駕敦言辭匡廬及良覲爰命輿人徂長
路莽經歷奇峰在目前嵯峨幾千層習靜神乃

冲祛智形非敵側身蒼崖間灑灑風泉滴感往
已三遊茲來豈情溺山靈詎有期晴輝相射激

閒居

山人不入城棲山頻謝客言笑亦何期雲區多
茅宅長傍里翁遊農談坐蒼石歸來已閉門蒼
霞滿初夕花深鳥不鳴谿漲魚還積澤國思撩
人况復辭行役會當拾瑤華九湖隨巾舄

仲春宿雞峰

開戶步流光午夕明星小瀛海莽虛無千山環

林杪鳴蛩影自寒
滄洲遲清曉塘躍羣遊魚風
驚獨棲鳥所思江漢潛美人
雙珮窈嗟嗟非仙才惆悵寰埃表

其二

徂歲不可追
端居狎田父
峰明江上洲
霞滿筠間塲
遙夕思同袍
流螢飛庭戶
撫卷念吾生
白頭始探古
信宿石門中
天風吹蘭杜
玉泉聞潺湲
旭日南谿澗

孟夏以農事出北門到聖壽寺紀事二首

西山久明農
農談非任誕
時序催閒行
巾烏奚疎懶
稚稼尺非長
餘青寸非短
田畷無好懷
穀雨先憂旱
八口依東菑
耨耕妻孥款
造化豈不仁
涼風郊原滿

其二

古剎疑初過
舊遊忘虛牖
老僧念前緣
殷勤記高柳
石牀卧雲間
壯日倏稱叟
山意太古先
人情衰白後
寰宇秘玄蹤
歡娛同親友
振衣攀珠林
雲霄垂聖壽

鷄峰喜雨

閉關夕逾靜遠與世情疎披衣據胡牀談古明
燈餘蕭蕭山雨鳴石湖躍文魚流螢度虛牖聞
寂山人居出戶莽物色冥雲流階除喜來呼村
醪獨醉卧柴墟百年願易足吾愛淵明廬

小隱亭看雨以五風十雨爲韻

農夫田中來半臂麻衫濕問之訥言辭相慰顏
猶悒高疇雨不流破塊隨鋤立鳥雀窺餘糧牛
羊散日夕竭來望山中野餉吹新粒遺榮百慮

澄躬耕五農集衡門時談玄流年閱六十

其二

泡沫浮怒蛙方池飛翠羽丈室天風遲涼襟欣
揮塵稍霽聞黃鸝林煙直如縷宇宙莽細縕川
澤胡訐訐夏稻漸登場秋苗紛自樹緬焉覲青
郊萬象新而煦樵漁亦農談商巖非今雨

四損歌

予南謫行劇賣房損五十金猶日敝屋也賣
馬損四金猶日羸馬也篋若繁借于人猶日

舊物也山婦日奚以需逆旅也予答之日時
哉相與一哂歌以紀之

馬椿橋西林逋宅長安六載隨朝客苑牆雲氣
來蓬瀛水部歌聲滿南陌漱廬風雨書生緣繩
牀布被義皇前半載憂虞胡相牽羈孤四壁獨
渠憐浮萍浪迹一潸然主人今愛同鄉賢薄售
多捐曹郎錢簡書驅余瀟湘煙西陵官舍任吾
年

其二

燕臺龍種應無數俠客奢華馳紫騮金鞭直指
公侯館回首京塵玉溝流我家白騎齒初長三
年遲爾雲霄上西街忽鳴驚犀象方瞳竹耳青
芻養有時適野侵霜仗長安鐵騎塵沙壤汗血
連翩非其黨別離識路鳴書幌楚甸遙遙予獨
往

其人其三

六年長安曳瓊琚子雲未老長耽書倦來隨意
偃籛條明窗尾鴨香煙舒狂夫有篋胡爲虛典

歷代詩選 明林以類
墳亦在蠹中魚爾情冷煖獨睽予誰能列峙輝
雙輿玉堂文價重璠璵細帷華幌三冬餘造物
掠人忌多取龍蟠蠖屈吾何有悠悠相看遲白
首

其四
昌黎遺歌久寂莫萬古文章留綽約短檠依依
隱筠閣金聲玉色燈花落野夫憐渠似白鶴壁
月相逢祗如昨古事今談俱糟粕車螢康雪徒
連絡贈爾彩毫思寥廓璇霄不照華筵酪他時

紫燄生卿雲好音遙寄三湘聞然藜讀易思離
羣

別夏于忠

扶病強出門日程計近遠隨處逢所歡欲別仍
繾綣三旬到盱江寢食差強健盱江春色正屬
人綠楊青草無車塵東洲勝事知者少雲崖煙
渚坐來頻主人去歲金門客抗疏歸來初隱淪
昔有柴桑翁蚤辭彭澤種五柳復有蔣元卿三
徑能招二仲友古人意氣不稱狂達生日醉雲

歷代詩選
間酒與君邂逅夢中疑長安憂患論交時黃憲
陸雲異生死陳郎萬子同支離書生赤管胡多
事逐客滄洲眇素期飄搖巾鳥往三湘東洲玄
談還信宿咄咄何當畏簡書司空欲老王官谷
朝來却望麻源山從姑秀色橫吾目言念南洲
榻長隔西陵城春風雙鬢長江影落日孤槎細
雨情他時欲問別來意須聽衡陽過雁聲

三遊洞次歐陽六一韻

鳥道瞰晴川龍湫俯遙嶺援蘿蹇步險倚杖窮

人境橫江峽口南津山紫芳玄谷煙霞間醉醒
塵代招携裏崖竇雲腴白石髓猿聞鐘鼓橫查
度鳥驚巾鳥平莎起歐公六一隔年留古木彤
霞秋事幽挂瓢几戶聲寥寂長沙詞賦青原客
夷陵茂宰談清風不記何翁共瑤席昔人桃源
路亦逃三遊雙袂山靈知我來一榻花開落鬼
谷仙都隱五谿

懷往雜咏

漁梁槎頭縮項鰻鴨綠浮觴漢水前鹿門夜歸

孟浩然蘿月梧雲清可憐
龐公幽隱若棲禪
千載人疑漢帝年
司馬名流水鑑懸
伏龍鳳雛同稱賢
陳迹冥茫凌蒼煙
搖落還聞啼杜鵑
倒著接離休問天
桑田海水寄冥緣
一畝茶園茶
其二
高陽酒徒酈食其
春風日醉楊花枝
有山不登奚崛奇
有酒不飲空支離
峴潭紅鮮留釣絲
鳴鐘喝鼓習家池
鑿齒逡巡劉魏時
漢晉春秋事卻疑
李倫行樂誰不知
胡訝巨源非譽兒
層臺何與後人思
市朝田野風塵遺

鄧盥夢還山歌

浪迹懷名山軒車及明發
遙程看暮煙浩思催
寒月雞峰玉澗薜荔秋
吹簫聲入紫泉流
應門少鶴何曾倦
呼酒流鶯不解愁
金臺故人舊相好
尺書報我邯鄲道
燕去鴻來凡幾年
昨日壯顏今日老
歸舟欲謁武夷君
九溪仙笛空中聞
南下江門連海色
振衣長躡兩山雲

西洲書屋

西洲之泉來天河明月照溪蛩聲多琅玕百尺
影婆娑白頭對酒意若何奚奴呼觴窺松蘿雲
流不流清詩魔芙蓉芸閣虛星槎夢中玄圃幾
經過美人徙倚盼庭柯紫芝黃石香山阿日
秋雨行送平海司訓遷安溪學諭四首
海雲接天天爲低雲中鳴雷如兒啼山雲隔地
只數尺吹沙飄瓦風淒淒田家望雨眼俱淚禾
晚鹽花生舊畦三日之雨達天倪歡聲原野聞
東西

其二

春來不雨麥不收早田不種秧枯畱連村爭泉
只救渴強者操斧屠耕牛大家閉糴價如玉斗
米亦向官中求三日之雨盈西疇焚香祝天豐
茲秋

其三

山有蕨兮溪有毛茹溪餉山飢者勞逋賦不催
倉帑竭妻孥溝壑將安逃海舟劫人橫平陸縲
官殺戍天風高三日之雨開蕭騷麥斜山人首

歷代詩選
獨搔

其四

平海廣文寒青瓊
慊歲薺鹽怪一錢
六年城中幾走馬
談詩來結草堂緣
安溪移官三百里
傳經携笈衿相連
三日之雨催贈篇
雞峰雲谷流紫泉
回官中來三日之
雨益西嶺谷源天
豐只然自澹峰迴
舟過壽溪至七里
橋登橋翫月移觴
劇飲醉中放歌兼
呈同遊

澹峰落日迴檝延
壽橋橋頭千松橫
青霄漁人

竹火冥冥泊溪曲
田家柴扉渺渺開
雲標秋水徐潭不可測
浩歌滄浪一漫客
溪風泠泠吹襟寒
凌虛欲呼浮丘伯
七橋龍卧碧流間
北望陳巖南壺山
醉來登橋如坐屋
明月照我餐霞顏
顧况林逋不辭酒
廖黃哦詩幾回首
星槎欲動白鷗羣
露幌還淹赤松友
眼中天地小者誰
李豪杜放時相推
麒麟塚高蔓草沒
鳳皇臺古飛塵吹
白楊丹楓間桃竹
年光物候真超忽
雍門多事訪丹砂
鄭谷何緣騎白鹿
長橋月華浮彩

歷代詩選 卷之七
雲山歌野酌影平分百年強半紀此遊婆娑長
揖九華君

苦雨柬李子光

涼雨冥冥下高齋黯黯秋蕭條添遠意搖落滯
新愁潞水淹歸旆燕雲獨倚樓側身天路遠回
首愧滄洲
寒爽雨中候黃君俊戶曹不至

飄灑還垂暮淒清定幾晨清樽如避客孤缺欲
隨人鴉亂林呼急鷗輕水宿頻黃郎疎濶久誰

與道吾真

聞馬子莘還金陵寄別一首

風花看已暮燕子正高飛所惜故人遠蕭然良
晤稀江舟知獨往壺嶠未同歸逐客甘貧病相
思晝掩扉
不寐

擁被息塵想瀟瀟雨到蓬孤城連禁柝永夜動
悲風往事疎燈裏新愁濁酒中南歸稀信使明
發報征鴻

過淮陰侯墓

雲夢僞遊日翻成力士謀功高終震主氣憤薄
封侯楚甸橫山坼秦淮入海流英雄多寵辱誰
泛五湖舟

京口晚泊

五丰淵明俸三秋季子裘生還真過望多病未
應休野吹搖芳草江煙下白鷗晚來雲物淨京
口泊歸舟

夜渡義江卽事二首

敢言浮海興漫試濟川才片月懸孤嶼繁星耿
上台飄蓬津吏報流浪漢臣來燈火分敲竹長
年笑舉杯

其二

國士還前哲書生亦故吾清溪遊舴艋野日餉
雕胡躍鯉應能變飢鷹不受呼義江今夕渡枕
上憶仙都

遊紫雲洞二首

宏路停歸騎看山興不違天風吹野水海日照

歷代詩選 明林以乘
巖扉携客登仙嶠呼童問羽衣薜蘿青入眼縹
渺紫雲飛

其二

清秋尋古洞石室倚雲開鳥道明丹葉猿崖綴
碧苔禪牀虛夢鹿佛日偶登臺玄覽無空濶遲
迴一舉杯

平笑族祖見素翁邀黃伯固暨予遊雲庄三宿
而別次韻一首

雲庄追步屨小隱戀逋仙藜杖羣峰立松齋一

榻眠野談收外史年事入新編瓊蘂何時發躄
踏問玉田

大田元宵

客路逢元夕思親倍黯然燈花春事逗杯酒故
人憐雲笛浮朱檻星橋散彩鈿故園芳景在明
月向誰圓

黃溪晚懷寄黃伯固二首

迢遞南遷路蕭條遊子心遠山深隱豹亂木鬱
鳴禽避石舟穿瀨歸村樵出林忽聞吹斷角馬

歷代詩選 明林以乘
首欲層陰

其二

宿靄黃溪杳空山白鳥孤暖風青岍草野水綠
汀蒲郵館雙燈寂鄉書一月無柴門聽荔雨回
首慕潛夫
谷從順昌道中簡馬振之知縣
看山隨處好春服灑層雲溪隱蛟龍窟林喧鳥
雀羣村春懸溜急野市隔橋分仙令初飛馬民
歌十里聞

浮蹤

浮蹤其屏喬簿領亦閒閒虎跡村間路猿聲郭
外山四愁仍欲結雙鬢漸成斑長見乘槎者天
風萬里還
爾料憩石板舖懷彭爾玉問客吟幽事聞幾
野燒明迷路山中風露多啼猿深樹入宿鳥暮
雲過未厭逢迎拙其如疾病何香緣精舍近投

宿傍松蘿

蕺林送謝光宇往武岡訪童昶守備

清秋逢謝朓別袂大江邊與爾同搖落臨觴一
惘然魚書湘浦月雁字郢門煙獨舸兒童共飄
蓬記此年登茲時其吹剋詠何香絲餘舍並送
理熱得黃伯固書因以詩寄之
爾憐同病久書到已清秋問客知幽事開絨解
暮愁楚雲浮別洞江月照邊樓遙憶垂綸者蘭
陂幾放舟
彩勝金花麗端居發興新風塵身是客湖海日

逢人殘雪巴溪曉晴雲楚樹春呼童開桂醕獨
酌度芳辰
獻歲慚多病春風愜舊緣占晴隨楚叟釀飲誦
堯年白折梅花淨青傳菜甲鮮去年烏石舍萊
服羽觴前

獨坐作呈席材同一首

歲事何須早蕭條髮欲斑春風思漢署落日滯
荆山青鳥驚塵夢朱花照客顏相期江北路流

落共君還

安遠行臺卽事

射牖晴霞遠依齋翠竹長瘴山臺館淨蕙日客
衣香大業須羣哲皇風陋小康憂時雙劍在紫
氣薄扶桑

暑夜懷謝光宇

夜短全無寐懷人思欲飛燈花迷細字星彩動
疎扉客路那堪遠鄉書况漸稀故人柳桂外逆
旅混戎衣

發茶洋夕望劍浦

客路驚畱滯行舟紀水程連山民舍小映樹驛
樓平劍浦魚龍夜風波兒女情離人今夜月應
共故鄉明

雨中懷鄭成昭

徑竹色逾淨窗蕉聲轉寒流年頻閉戶世事偶
凭闌遠郭見秋水喧江聞暮灘石村雲卧者遲
爾話悲歡

少司馬鄭山齋携宿西塔寺次韻

高閣披襟坐空門欲暮煙峰迴雲隱寺野澗樹
浮天勝日憐霜髮餘春問石田南山今謝傳湖
海寸心懸
野霧黃高隴晴流白斷沙春催將盡日林抱續
開花文藻同靈運江山似永嘉初衣今慰意莫
遣負年華

其二

世已遺黃髮公應借紫芝故山邀几杖今雨慰

襟期雲動南州榻花迎鄭老詩娛人雙鳥在勸
飲綠尊遲

林西晚過林坡

澤國羣山好林坡別洞奇荒煙籠翠竹湛露長
青芝飲鹿看人慣流鶯出樹遲主人懸榻在遯
遞定何期

蔣子雲都水定居西長安

南冷三載賦閒居春日長安西卜廬苑樹飛煙
分客榻禁鐘浮月散朝車揚雄天祿多奇字方

歷代詩選 明林以乘
朔金門有諫書相望西橋應不遠莫教風雨往
來疎

燕臺九日水次西吳

燕臺九日同佳節白帽青衫憶故鄉風雨閉門
塵事少酒杯留客晝陰長天低苑樹迎霜白雲
傷庭花入座黃射馬翩翩連上谷屬車遙憶羽
林郎

九日寄何營繕孟循

重陽負爾登高約京洛相看倍黯然賸有黃花

開舍下可無烏帽落樽前鳴蟬日抱城西柳候
雁寒移塞北煙欲枉南州何水部清宵話榻一
燈懸

寄懷鄭節器

蟬鳴鳥度秋將暮草白梧黃客未回落日半銜
山色去長風頻送雨聲來書傳燕館憎南雁夢
醒江村阻北臺雲卧故人僧舍寂相思應動看

山杯

潞河晚泊寄鄉中諸君子

歷代詩選 明林以乘 卷之七 望
王事驅馳賦遠遊祖筵談劔慰遲留春風使節
都門外落日星槎潞水頭細柳鶯聲晴雪暖芳
洲蒲影晚風柔行人回首青霄上一日停雲似
九秋 去身風雨聲來書翰無餘韻南風
同趙侍御韓主政泛西湖

烏臺畫省歲華新問柳尋花出郭頻寺遠棋聲
初出戶林深鳥語欲留人登臨綠嶠淹蘭舫徙
倚蒼雲灑葛巾我亦孤山林處士欲將江海寄
閒身

三訪林和靖草堂

客中三訪隱君堂天末秋風醉一觴清世更便
巢父卧高風曾有楚輿狂階前飛鶴知留客竹
外寒梅欲近牀茶鼎吟壇俱寂莫空留煙草伴
年芳

讌陳希白廷尉吳山別館

廷尉瑤筵花盛開彩霞仙仗卽蓬萊芝園分水
通村篔竹場流雲傍野杯白髮新知惟鳥雀青
山舊業有樓臺餘歡莫漫聞鐘歇乘醉猶堪金

馬回

送方松厓方伯致政歸莆

江上潮來雨色寒
宦情離思幾悲歡
歸因綠野還憂國
疏重蒼生却謝官
十里風清嚴子瀨
三湘雲長屈平蘭
聖明行復思元老
別酒休歌行路難

與馬子莘同作清言

羈旅欲辭蒼水使
僊人疑在紫霞關
六年漢署三芝長
萬里滄江一鶴還
藜杖憑雲過別墅
洞

簫吹月在秋山相逢且試尋真服不問神仙學

駐顏

贈別李子光

買酒烹魚話舊緣
天涯別思轉凄然
重逢歲月知誰健
回望雲霄祗自憐
潞雨孤舟寒背郭
燕堤離樹遠含煙
移官叨食西陵粟
長愧龍門有隱賢

登金山寺

金山歲晚獨登臺
佛日曇雲送酒杯
樹色海門

吳岫立潮聲京口漢槎來乾坤浪迹書生債今
古悲歌壯士懷返照依微僧磬寂呼鼉招鶴意
遲廻

懷武夷

憶入清都別有天夢中今夜宿桃川虛看紫籙
開金笥欲采青芝到玉田九曲晴流收嶂雨千
峰寒月上谿煙道人慣識初來路獨對幔亭思
眇然

懷歸宗岩

歸宗隔水邀雙棹十里看山興不孤谷口煙霞
多變幻空中樓閣半虛無靈岩樹暖雲雲抱古
塔風高海鶴呼夢覺山僧驚晤語照人江月過
平湖

弔賈子祠

扁舟斜日客來遲遠望荒祠意益悲漢室英賢
多去國洛陽勲業未逢時江流歲月孤臣恨草
色宮牆野老知一謫西陵驚更遠幾回飛夢紫
雲涯

夷陵卽事

省郎遷客春初到
廊廟江湖地自分
峽口灘翻晴雪水
荆門樹出午山雲
曹劉霸氣三分策
屈水風流絕代文
燕寢香清官舍曉
孤城花雨欲續紛

故園

故園回首木蘭橈
斷送歸心轉寂寥
是處池塘虛夢草
昔年蘿几靜聽蕉
西陵江眺迴春棹
別洞雲遊隔午橋
乳燕啼鶯隨節序
夢中曾侍紫

宸朝

秋夜宴彭爾玉官齋

宦情人事共悠悠
清景長空萬里浮
南國寒城疑不夜
西陵春釀值中秋
莫階倚檻尊前笛
桂苑歌雲江上樓
更與使君談勝賞
明年此夕重淹留

自西陵下宜都

小艇終風吹暮寒
背岩遙指菊花看
山舍返照分晴樹
石湧滄浪入遠灘
雲裏棹歌聽欲近
磯

邊漁釣戀應難江湖歲晚甘漂泊誰信馮郎劍
可彈

携酒候席材同判官

歲晚江城閱使星東遊逐客一浮萍南津流水
來蘇渡幾樹斜陽至喜亭四海親朋吾獨病三
閭豪傑爾同醒竹枝淒切歌雲白風動蒹葭滿
楚汀

寄彭知州爾玉

江城到日春初暮刺史長安尚旅衣疋馬門前

終日繫孤舟漢上幾時歸耕朝山雨蒼龍見蠶
月邨煙黃鳥飛惆悵思君遙寄語西陵吏隱似
今稀

秋興寄余君錫黃門周彥通侍御

岐路秋風憶舊緣興來長賦帝京篇乾坤雙鬢
頽為客湖海孤槎不記年落木天高寒度雁暮
江雲迥暝啼猿金門仙侶如君少諫草遙聞白
下傳

送人任晉江教諭

悲歌白髮幾清秋
絳帳南遷復勝遊
萬荔平分村落雨
羣山遙入海門流
孤舟月色懸雙劍
瘦馬霜花落敝裘
十載馬卿還蹭蹬
長楊詞賦曲江頭

三遊洞次席材同判官韻

宦情閒氣近全消
落落尋真共楚謠
斷壘連雲巴樹濶
晴江入峽楚天遙
杖藜雪後陪青瑣
問竹山深度野橋空
翠靄人歸路晚風
帆共坐月中簫

嚴十月發黃陵

萬木輕霏氣似秋
南津歸路趁晴流
長年一夜疑風雨
逆旅孤槎下斗牛
山靜林猿收客淚
江清村鼓散漁謳
官閒况復迹名地
濁酒新詩漫紀遊

秋興答竇惟遠給舍二首

供奉班隨漢署香
菲才那有賦長楊
紫霄宮闕千門靜
白塞風煙萬里長
燕子全歸秋社雨
梧桐欲老禁林霜
雲中近報寒衣節
定采黃花入

壽觴

其二

海上邨居擁畫屏看雲天際幾流螢關河蒼莽
浮秋序人事蕭條滯客星憤世賈生元自苦醉
鄉王績欲無醒年來却憶東山路桂樹花開孤
草亭

吳太守華留別樊城席上賦答

郡公清望迥人寰出餞樊城慷慨開賈船連雲
過十里客亭臨水俯三山中興名勝尊周鎬南

國提封扼漢關為報循良今召杜浮名容易髮

毛斑

南康九日望五老峰作

重陽白髮依稀見搖落其如五老何對酒漫生
殮菊思看山虛憶采芝歌東南天地奇觀盡風
雨江湖變態多擬欲巢雲攬孤秀頻年行樂慰
蹉跎

浮槎館與師汝和言別

出郭偶同遷客興飄蓬翻愧野人羣尋花徑小

歷代詩選
明林以乘
娟娟日移酒春深
淡淡雲五嶺風光憐
共得兩江消息喜
初聞無端更問秦
川路醉裏新詩欲
贈君

烏蠻灘卽事

烏蠻灘上日風波
歸興其如五老何
古廟神香畱彩鷁
夕陽官鼓出青蘿
參差石戟江流迅
錯落龍湫野渡多
千古伏波寄英爽
竹枝淒楚榜人歌

安遠山行

南州炎月瘴煙低
馬首蒼茫路欲迷
細雨長林交翠壁
亂雲芳草隔清溪
村中候戍羣吹角
客裏看山偶杖藜
未得漢陰機事息
柴門頻憶小湖西

登黃鶴樓

控鶴仙人去不回
危樓長倚碧雲隈
江流抱日蒼煙斷
野色橫煙白鳥來
吳魏空遺諸葛恨
曹劉曾惜禰生才
獨憐鸚鵡洲前月
遙夜清光過楚臺

歷代詩選 明本以乘 十三
弔屈子祠并懷宋玉次李涪崖都憲韻

澤畔行吟思黯然飛鳩鳴鳩暮雲天江潭何處
臣心苦關隴頻年使節傳適海旌旗還舊淚懷
人蘭芷自遺編獨憐漢水秦川月不照三閭玉
珮捐登黃鶴賦

西登岳陽樓二首

岳陽樓閣俯人寰粵客重來意自閒萬里魚龍
迴洞野三秋風雨眇君山英雄割據空陳迹吳
楚平臨愜壯顏朱檻欲呼黃鵠遠碧峰疑聽玉

簫還

其二

尊前賓從共風煙髣髴虛無太古前帝女祠深
雲暝竹軒皇臺寂水浮天凭闌樓閣星槎近開
府江湖漢節懸憂樂年來懷往哲秋風蓬髮轉
堪憐

撫院池館感事

雲旗露戟午亭靜夢澤瀟湘春水來爲問花期
過小苑偶聞鶯語坐平臺雲中消息邊烽滿漢

歷代詩選 卷之七
上年華朔雁迴遠望依依雙闕迥羣公定有濟
時才

有懷

黃鸝恰恰囀青林寒食蕭然別院深風雨自憐
多病日雲山誰識遠遊心川迴樹色荆門眇天
入江流漢浦陰欲問兩山麋鹿徑石門何日許
招尋

水口驛道中

野樹煙荒朔氣清迴溪沙白渚流平南來征旆

侵星發秋盡愁雲逐馬生鳥外舟航連水國江
邊村落宛山城紫薇畫閣憐生理壺榼蘭橈繫
遠情

重陽宴集劉紹功中丞吾墩別墅

中丞別業初開宴溪閣邀賓一棹迎九日風煙
黃菊酒十年桑梓碧山情石田鷺下潭雲細野
水龍遊浦樹平玄牝谷神談共適旁人爭問著
書成

閒居雜興

白髮相過步屣遲秋風不負看山期松雲入院
鐘聲細桂日環階塔影移栗里幾年惟舊侶杜
陵隨處有新詩招提更喜羣公在一夜新涼到
酒卮
中丞其二
楚江昔日回孤棹十載山樓愧未深對客敢論
天下事讀書頻見古人心據牀欲聽桓伊笛按
譜終憐叔夜琴菰米蓮房秋事遠白鷗飛滿小
湖濤

寄永嘉分教劉廷顯

傳經三載一官閒劉向風流未可攀問舊祗憑
書裏夫思君多在夢中還鯨波綠湧江心寺蜃
氣青浮海上山閉戶不知春事晚小溪梅雨日
潺湲

草堂飲林俊揚移酒

一醉欲眠山月上清歌聊伴野人閒含風細篠
螢雙入流水孤村鶴自還阮籍豈知生事拙杜
陵應念鬢毛斑卧龍躍馬俱寥落江上歸來獨

閉關

雨後過草堂

雨後輕藜過草堂門前新水滿池塘山人漫種
雞峰稻稚子頻燒燕寢香花氣半簾晴塢近鶯
聲幾樹午雲長十年夢斷春明路招鶴棲霞祇
自狂

陪吳師夔陳宗本登梅峰寺

上方亭榭幾清秋野老玄蹤一杖留別院鐘聲
蒼靄斷前溪蓬影碧煙流閒來談隱多携伴老

去逢僧易散愁却憶圭峰明月夜吹簫曾向萬
山樓

其二

星河渺渺湛秋光坐數流螢過草堂湖倚孤村
榕葉暝雲開三徑菊花香幽居漸喜無人識野
興何嫌對客狂一卧江門漁父笑放歌隨處泛
滄浪

同林遷于顧志仁過西沖寺

野人雲卧借流年古寺重過思渺然春淺明花

初出檻寒輕野鳥自啼煙碧山已慰招携共玄
圃虛疑夢寐偏杯酒談空閒半日應憐老至有
僧緣

同馬子莘遊壺麓梁溪

未到梁溪思不禁秋風藜杖許招尋相携鳥道
日將夕却望龍湫雲更深石罅雙魚浮翠荇巖
前孤鶴下青林流觴舊約成搖落回首松門白
髮心

暮春直省

旅夢醒啼鳥晴窗日欲斜還將多病眼閒看續
開花

舟入清湖卽事

歲晚悲岑寂鄉書欲問誰幽花寒色遠日斷碧
山涯

松滋館書壁

出門春意動入楚春花飛別意驚漂泊如何鄉
夢稀

雞峰夜歸

歷代詩選 明林以乘 卷七
小童吹暮角月色滿秋山回首西雲路居人欲
閉關

徐淮與

白竹山庄歸路賒霧船風纜欲爲家芙蓉黃菊
秋如許日南行不見花

悲岑

午山花雨暗江干十里沙邨半送寒松下釣磯
人未老江南春事憶垂竿

往夷陵諸親友餞別舟中

清溪簫管漾行舟一別鄉山知幾秋暖日津頭
楊柳道長沙曾似賈生遊

顧豐城

漢家社稷重金城吳楚兵戈一戰輕昨日鄱陽
江上客夜深猶聽鼓鼙聲

玉鼎金甌出國門萋萋芳草怨王孫却憐幾夜
西山雨不洗宮前血淚痕

黃石磯頭散賊羣千艘萬艫寂無聞漁郎識得
中軍隊歌罷虞姬哭暮雲

歷代詩選 卷之二十一 明 楊慎 題 逆虜招亡祗敗金樓船六日到金陵那知

高廟英靈遠二水三山王氣凝無聞魚復精於

西山長沙道中前血氣寒

紅紫山中野草花三湘愁髮倍年華放臣消息

春來好月白千峰夢到家

寒 瀏陽題懷歸卷

青山白水故園春夢裏還家路未真逐客三湘

懷往事柴門風雨稻花新

道中感懷

古木經行迴宿雲蒼蹊青薜兩旗分亂蟬隴外

吟鳴咽併入秋聲馬上聞

劉紹功顧志仁携酒雞峰

白髮漸多倍惜春呼童澗畔灑花塵祗緣客到

饒幽事乳燕鳴鳩亦傍人

感懷

兩溪風日共清輝碧樹晴煙接翠微欲訪山人

談舊隱碧霞明月上漁磯

石倉十二代詩選

明三集卷二十七 終

石倉十二代詩選

三集卷二十八

石函集

大明

鄞縣華 愛著

後學曹學佺閣下

補卷中方棠陵餞席分韻得盡字

昭代爾名流清芬襲芝茵深秋讌會同脩衢簇

文軫風雅皆吾師一一紆款悃促驟罄交歡摛

詞別宿焜所嗟世路非銜杯問幽憤酒醒覺寒

生燭殘驚漏盡明發孤蓬征玄黃服長鞫白下

幾同遊金門亦希隱回首夢寐間室遠心猶近

歷代詩選

雜詩四首 亦亦 劉回首 夢寐 關室 教心 飽

行行復行行 傷彼河畔草 滿地時青葱 一日成

枯槁 嚴霜天際凝 蘭蕙不自保 時兮可奈何 惆

悵此懷抱 昔昔 嗚呼 一 一 一 一 一 一 一 一 一 一

乾坤一逆旅 離合殊始終 仗劍倚天末 耻為吳

下蒙世路貴 知也 好惡奚為同 懷人不可見 兀

坐頻書空

百食三二 外 荷 數 三 集 卷 二 十 八

天運有代謝 日月憐居諸 榮華一瞬息 那有千

載期 青蠅溷天地 無心良不欺 世途每多窳 三

復鴟鴞詩

年少充蘭房 辛勤理機杼 星河耿空階 姊妹各

寢處 銀燭豈不輝 藥結轉相黯 其心本固直 待

郎手自揆

五

塵俗殉耳目 達人齊生死 所遇各有時 成敗安

王

歷代詩選 月華二 卽 三集卷廿八 二

歷代詩選
明華作
足倚霜蹄歷嶮巖一蹶思千里無以下體微棄
捐此葑菲

頌平六

四國釀流言洶洶山爲移天不震風雷寧釋東
都疑崇構要梁棟榱楹咸所資掄材不爾惜徒
貽千古悲

詩七

水際裊芙蓉花開復還落色固時榮衰直以芳
心託芳心自有根終豈怨蕭索葍收復司天點

綴色如昨

前八

九疑一何高三水一何深高深渺行路涕淚沾
我襟願言采蓀芷永以託芳心矯首盼明月清
光誰照臨

有感

乍靜還思動新愁與樂尋爲憐歌舞地燭影夜
堂深兀坐今如洗浮生感素心無端懷白雪誰
解理瑤琴

畫景

亂山晴出雲遠水淨含碧商飈振林臯蕭然江
 上宅雁影下寒塘哀鳴何噤噤豈無稻梁心悵
 望扁舟客滄海浩無津桃源幾人跡迴巒盼或
 迷故園歸卽得攬衣坐長歎矯首江月白

桂峰

桂山何崔嵬奇峰撲爭長蜿蜒羣龍趨點綴列
 宿朗攬身霄漢端插脚湘漓廣日景礙迴車露
 華紛指掌怪石谿訝開松竹參差上屹立雄江

關萬夫簇城仗朱鳥闕瓌奇輿圖甲穹壤君本
 黃金姿致身此蕭爽衆壑蟠心胸百年任俯仰
 天風飄世裳獨立向蒼莽朝飡嶺上霞暮拾溪
 邊橡高步躡丹梯雲霓互來往光彩歲崢嶸雨
 露日濡養矯首作大觀兼茲發幽賞

書感

渥洼飢且鳴荆山泣見別賢會不可期塵土疲
 年髮悵然歌式微歸去就鱸鰖朝躡嶺上雲夕
 宿湖邊月茫茫宇宙間豪華幾銷歇

訓雲泉王子遺竹卷

奇手傳蒼玉灑然離風塵相對如解意底復論
虛真膈臆蟠丘壑古今猶吾人無聲諧爾詠操
筆驚有神別我重金誼慨然投所真依稀涓川
緣太守常清貧知己幸不辱高風期比隣携之
向海岫開卷日與親輕風度良夕織月生芳春
王孫不可見一夢湘江濱

水樓續興

河洲妬風雨一葦恒在茲浮楹俯泓碧煩蠹非

所辭儲材幸得地利涉思以時善芑固如此豈
爲觀者資積潦易衝溢帖石防久欹所以君子
心畏盈誠持危臨流眇千里江海歛就移憩幽
滌爾慮勞生空復悲感物重咄咄衰廢憂人嗙

寄題信州南巖

我聞南巖勝憑高紆曲磴山深不見人松飈滿
清聽洞壑裊煙霞幽花遶蹊徑古寺雲中開冷
然發孤磬層臺俯石澗坐使心神瑩游子疲道
途攬衣起遐興山水江南奇碣石此猶剩上有

仙子居因憶瑤華贈

下灘

江路厭灘流潺飛雪花白我來戒疾行水中紛
亂石或俯若蹲鴟或峭如列戟或攢若蓮開或
散如葉浙波流迷淺深衝激互湍澗歷亂愁無
因放舟乘竇隙廻幹捷有神長年豈容力幸無
覆溺憂終然奪人魄我本湖海儔十年踏鯨脊
縱浪悅息鷗扶危仗忠赤一尊強自斟庶慰風
雨夕

送陳惟中秋歸

長安見風柳條然已知秋星言鼓蘭柂時指經
故丘蓮房有佳實稼穡兼雲稠物各以時致如
與學藝謀懷哉弗自失千古心悠悠

葦航卷

亭名

駐馬試幽尋煙霞接亭隧細竹浮疎陰空泉滴
秋泌結構借城埤孤撐偶因地編葦一任真聊
作湖海寄虛訝郢州船中可植荷芰松壑翻秋
濤褰裳染濕翠涼月委金波開函漾晴媚蘊真

適所遭滄浪動遐思千古激遺音芳筵裊清吹
心賞知幾人一飲復霑醉山簡數過從荊州足
高誼

初沐

逾年謝簿領永日從逍遙衰榮遞倚薄毛髮驚
蕭騷水漿一就沐氛垢終然銷日新猥內忤三
握奚云勞鑷白意偏側思玄畏羣嘲第竊貢公
喜彈冠期 聖朝

舟中望廬山

望望廬山高矗上青雲杪下蘸彭蠡波蒼龍出
溟沼羣峰勢若趨九水故縈繞嵐光隱約間雲
霞分窈窕南北望不殊青蒼邈未了昔有藏修
人千秋儼師表我行不及登仰止空懷抱孤舟
莽風煙送日雙飛鳥

潯陽

潯陽江上城睥睨連雲起陽鳥時南飛江空渺
千里秋望轉蕭疎忽忽不自已行矣涉江洲願
言采蓀芷所遇非所期悵彼柴桑子

歷代詩選 卷之二 江行漫興

獨鶴凌秋雲思將叫天闈移時始下集顧影涵
江濱匪爲稻梁計恒懷主人恩物性不自昧時
榮安足論扁舟亦自適長嘯下江門

其二

湖海恣行役長空黯雲色風簸舟動搖相顧仍
感感歸鳥掠我舟我行時未息雲廻山嶼青可
望不可卽明戒冒垂堂我心誠孔棘
舟中寫懷用陶淵明與殷晉安別韻

秋氣臨淮汝露行念辛勤眇彼滄海隔邈無骨
肉親漂泊更蕭瑟聊依漁艇隣悄然不成寐續
燭凌宵晨苦樂非兩事睠言若等分萬物各榮
悴閱此秋復春曲肱尚尼父富貴如浮雲幽期
曠千古出處良有因壯行亦吾志而有時爲貧
狂歌激明月賞音復何人

春塘卷爲陸小石太史昆弟作

君家美弟兄蚤探蛟龍窟風雨偶然同蘭蓀競
幽室車馬聯長安春筵和琴瑟阜葢復南征江

洲歛飛鷁鴻雁各翱翔顧影驚自失池塘入夢
思倘恍中詩律回首天茫茫五雲捧晴日

與泉卷爲徐德安題

絕壑駛驚濤窮探不可及雨跡嗟茫茫天根任
數翕垂空鳥度愁落澗雲飛濕觸石乃作聲靜
定固所執長趨渺江海百折期歸集清比在山
同濶入羣生澱澹交旣以神道器本相入千古
濯纓心褰裳試新汲

春日見雁

朔雁爾知序往來良有期辛苦避霜雪豈爲傷
苦飢江南地氣別陽煦思依依羣飛渺天末雲
水聊羈栖幸旣脫寒江回首懷故坻稻梁豈弗
美物性終莫移芳草滿岐路王孫胡不歸

題李白送別杜二甫發魯郡圖

賢豪昔未遇奔走疲風塵醉遊齊魯間一朝辭
故人短褐漂更短相看逆旅身行藏邈未卜去
住同沾巾開樽石門道鞍馬猶逡巡贈言意彌
遠回首徂徠春嗟哉同心侶次要不忘言相思

歷代詩選
明季作雅
九
眇江海猥誦角弓篇

聞張子魚憲副談武當之勝因用紀述

太和山分朱鳥墟巨靈衡岳相追趨
沓嶂廻巒總竒崛青蒼上矗河漢紆
憑高據勝開宮闕金壁岩峩迥日月
白玉梁垂澗道寒鍊絙石磴驚飛月
松道陰森六月涼氣蒸雲夢連瀟湘
逶迤恍入桃源路花落泉馨澗上方
彩雲繚繞飛丹閣錦冊天書光反鵲
殷禮祠官秩上皇六時並奏鈞天樂
丹城不使龍虎窺劔舞能令風雨隨

傳經時闡玄真訣五岳三茅帝者師
靈脩亦自貪佳麗更占湖南諸福地
千鈞鼎篆香燼紅百年幢蓋揚真瑞
滿庭瑤草和煙荒金莖露滴松花香
山中白石盡堪煮溪上胡麻那可嘗
時聞洞簫吹碧落勾引遙飛雙白鶴
陰崖華雪灑霓裳石臺雲氣生芒屨
塵世居然有洞天使君談劇凌風煙
由來道氣本相洽吏隱山中曾幾年
我生丘壑蟠胸臆聽君疊疊增顏色
何從白鹿騎且馴漫接盧敖遊紫極
夢中突兀楚山青猶

阻波流漢水縈崖廬天姥俱寥閬故遣新詩重
乞盟
李白送別杜二甫發饗郡圖爲陸東涯題
杜陵有客才名早却與山東李白好短褐飄飄
泗水春登臨落日同傾倒浮踪轉盼各飛蓬石
門一別風煙渺途旅空催去住心百年聚散真
飛鳥同心之誼祛形骸相期直在雲霞表渭北
江東日渺茫王孫不見淒芳草由來造化躋英
賢奈爾風流天地老

胡人出獵圖

朔風漠漠淒霜風驕胡出獵天山東貂裘整束
軀力健何人貌爾將無同旅抽金簇不偶發長
驅玉腕鳴琕弓圍連青海白日暮側身仰視天
宇空拂廬虜酒亦不薄失聲濺血誰爲功若問
漢庭能射虎爲言上郡且移封

問月行

望後月生魄有暈不當夕朔後月生明又被雲
遮隔皓月胡爲不在天光彩于人多靳惜爭揮

豈世情忌滿抑天職好景由來不可常吁嗟薄
命空顏色百年曾見幾回圓絕塞深閨同歎息

長相思

長相思路阻艱美人一去何時還移燈夕聽窗
前雨卷幔朝看湖上山蘭房秋靜金刀歇懶把
紈繒爲君裂縫紉未得上君身絲欲斷時心已
絕蓮塘碧水翻鴛鴦花開並蒂芙蓉香香風如
挹美人面露冷泥深空自傷

長短吟

日行日否言求我友汎汎蘭舟于川于藪馳光
迅若流象緯欵移斗煙雨送冥鴻霜風欺脆柳
未緣錦瑟傍朱幃漫解金龜換樽酒此日聊爲
郢下吟誰當薦爾雲中守

大題畫

水清沙白天地浮鳧鷖光陰坐來久西風吹雨
作川華一夜秋容上梧柳且將吾道付滄洲萬
鐘于我亦何有短篷天際一高歌青嶂遙憐對
尊酒卽今赤脚紅塵中風流肯落幽人後甯中

元自有江湖畫圖省識重搔首

古鏡歌

我行長安十餘里感君意氣諧宮徵贈別遙將
古鏡來殷勤盛取添鏤匱深知體質閱精靈巧
欲天工重環珥摩空盪日懸清輝含霏噴靄呈
時詭奧室光搖銀海青織痕土蝕春蕤紫遺銘
園背從何年螭濡蚓結乖文理物生顯晦各有
時吁嗟幸落君家裏况君心迹本清竒可無怍
色稱知己眇予塵滓江湖前對之不覺心慚鄙

流槎河漢傍銀蟾放鶴湖湘映秋水經看顏面
幾人同坐令變怪潛消靡君今竒貨不自私佩
刀王子堪爲擬願言珍重保無虧好披肝膽照
終始

村翁詞

村翁日傍茅簷宿垢面蓬頭裹雙足忽聞城中
迎早春忙携兒女起馳逐看春比舊知如何買
將新曆還家讀輕風冉冉吹布袍快覩東皇令
賜谷土脉潛廻徧九垓上林豈必殊荒奧未緣

野外問秔稌，傍籬且種閒。花木秔稌自足需，饗
飧花木猶期晚。娛日揮鋤試較春，淺深更欲移
床向東麓。

守坡卷

獨對南山卧，悠然見此心。竹間清吹入，門外白
雲深。漫興仍呼飲，高情亦擬吟。一區還自足，不
問滿籬金。

送本深兄歸

憶昔見羣兒，相知是白眉。喜逢官舍裏，悵別大
江湄。世味應知飽，春光正及時。愧予無所贈，聊
寫送行詩。

晚行漫興

日落波光動，放船湖口歸。殘鐘隔水度，孤雁入
雲飛。但得幽期遂，何嗟生計微。東隣却多事，人
喚暝時扉。

書董宗本便面

客子出門去，城頭起暮笳。悲歌聞一曲，涕淚欲
千家。波月搖虛閣，林風撼宿鴉。匆匆無寄語，試

問故園花

送別李川甫僉憲山西

送子東溟道民情莫與留移官依故里選勝及

名州未論行藏異真成仕學優子規春夜曲添

上別離愁

南旺閘遇葉肅卿太守

暑雨難為別清樽惜共酬那知芳浦路同作故

鄉愁野戍荒煙合滄江亂月浮傷心南去雁空

為稻梁謀

答陳都閘汝玉寄問

英雄今幾見况復孝廉名乍到渾疑夢遙思空

復情浮雲何日定芳草逐年生湖海茫茫處煩

君數寄聲

送昆山王秋堂

桑梓光陰迅乾坤生理浮上書不得志雲卧草

堂秋泉壑翻清夢風煙滿故樓識君詩畫裏因

作輞川遊

送劉符卿北行次泉翁韻

歷代詩選

珍重皇華客停車問所親鄉愁隨地迥恩渥與
時新秋影涵飛鷺江聲共遠人符臺有餘興風
雅為時陳

桑林夢鶴

矯矯仙之翮悠悠夢爾携幽情堪月喚冥志只
雲棲蓬海歸何定滄江路不迷洞簫如有訴人
在雪堂西

英琳酬雪窗王子見寄

阻別仍踰歲勞君清夜思樓臺兼水淨花竹與

春宜賓榻時能下漁舟晚更移無緣對樽俎愁

望海天涯

共憐憶別
憶別湘江夜秋衾共醉眠日高迴騎合江靜放

舟便悵望仍荒眼卑棲已隔年非耽名位晚朋

舊總堪憐

黑雲日嶺

碑砥中天出孤虛兀拄撐石魚緣罅入雲幔拂
崖生歸鶴岩霏暝先雞海曙明仙靈頻倚望佩

濕露華輕

值雨

黑雲將雨至晚去宿誰家遠
溜奔崖白鷺颺逗
竹斜主人初具榻
穉子旋烹茶自愛身霑濕
猶看帶紫霞
戲答陳山
余共相期日高
共對黃花地相將
白玉壺歌謳頻擊節
袒跣競呼盧
卽喜幽期合
那知清夜徂
燭斜風動幌
花影倩人扶

舟中遣懷

宦情鄉思總相參
一片輕帆帶雪南京邸
浮埃茲日別詩家
清影半江涵
憶知地迥書應斷
懷國秋深食未甘
况久病魔降不盡
永雲終日度湘潭

挽傅泉田

日月居諸惜蔽虧
燈窗抱影泣孤嫠
結廬天外渾無主
遺墨人間尚有知
忍見煙霞歸洛社
故教風雨弔湘纍
百年甘旨嗟何及
猶望龍驤下

詔時

送郁希古歸雲間

偶同瞻拜識高標擬向君家契託饒鄉夢漫隨
南去雁客心偏懼晚來潮桑榆入望猶千里雲
物傷心更六朝忽漫相思何處是早秋風雨正
瀟瀟

送方矯亭行宿于江滸席中和改亭韻

虛閣霏霏散晚煙月籠江樹未成眠柳因送客
翻春眼鳥爲留人落舞筵靜裏笙歌渾入調醉

中笑語忽忘年人間吏隱尋常事幾度相看數
昔賢

亦無錢唐士聲于永寧寺和改亭韻以送之

酒罷憐君醉未醒野歌聞處底風情忽疑山閣
春長在纔到禪房夢亦清寒氣更憐江樹眇離
愁定倚暮雲晴逢人莫漫悲華髮勛業還期慰
此生

齋居次周元峰韻

岍幘官齋倚玉山幾回談笑有餘歡雲歸別嶼

春陰薄月落孤城夜色寒賡咏每懷資報酹馳
驅猶愧失邯鄲東風無限相思意欲向南園學
藝蘭

夜飲牛首方丈

試攀石磴躡層臺便覺塵襟一笑開春色盡歸
佳麗地閒緣偏借隱淪才山如有意爭高下鳥
亦無心任去來今夜直須蠲逸興月中忙取送
春杯

送劉上舍歸桐城

東風吹水細成紋折柳相看酒半醺夢到故園
天欲曙舟行近岼草初薰經心明月猶分影送
目征鴻已絕羣別後相期成底事坐教雙翮上
秋雲

送沈時佐歸吳江

時枉過逢倒屣迎忽聞江上報歸程交投義分
金非貴人向離筵眼倍明取適未應花共歎養
高猶似鶴孤鳴閒居肯作相思夢定逐東風到
石城

送艾文宏歸上洋兼柬郁直齋寅長

幾年聲價比南金
燈火高齋祗自吟
折柳故添今日恨
看花不減去時心
桑榆世路遙相待
風雨羈思晚不禁
爲報相知消息近
擬乘孤興下山陰

東溪卷

乾坤佳致故依然
幻出江南一輞川
天與水光相上下
鳥隨山勢共周旋
四時風景長如此
百折清流却似前
有客乘舟學高隱
幾迴酣墨落

風煙

雙挽

同年李于盤兄嫂

白頭吟罷意何如
漫浪乾坤未老時
却爲數窮渾不慙
非緣情重巧相隨
春風蘋藻遙憐汝
夜雨桑麻欲問誰
正是昌黎愁絕處
河陽墳上草離離

和諸西厓舟中見寄

遠將蘭櫂逐西風
閱盡詩囊幾日功
世事紛紜碁局裏
客懷牢落雨聲中
漫隨景物悲華髮
且

歷代詩選 明華作雅
向尊罍貯碧瞳從此江湖託名姓定然風雨杜陵翁

送楊志通歸

偶從江上惜鴻泥又向尊前續舊題有志固應懸冀北令人長自憶關西詩書世澤深無愧湖海風塵迥不迷別後况逢秋作伴可堪幽鳥盡情啼

聞妻子途中之信用速之

鹿門偶已負龐公憑仗鄉人以信通建業城頭

連夜雨姑蘇門外一帆風望中幾日家山近燈下何時笑語同最是重關悲慟處幾回孤夢逐飛蓬

送董宗本行

脩然玉樹倚清秋煙雨孤城感壯遊西省簿書淹歲月東行山水盡風流青雲有力還馳驟白雪何人爲唱酬若使舵樓兼着我
不須重羨李膺舟

和東坡韻答談東石留別

遮眼詩書晝掩門青衫猶記舊啼痕一杯已分
關山遠千古應憐道義存潮落煙蕪通海嶠雁
衝寒雨失江村思君無限城南景短榻孤燈欲
共論

夜行卽事

滄浪簫鼓月三更相送孤帆數十程竹裏人家
仍掩映渡頭漁火自分明鴻飛低度平疇水星
轉遙連上苑城酌酒船窗渾不寐相思今夜若
爲情

接新送李棟塘遊杭東歸

百丈煙霞作伴行更于湖海乞芳盟煖風猶訝
千人醉梅雨曾無半日晴携鶴上船詩欲就載
琴歸路夢還清山靈有意重招引水月梅花幾
度生

新秋次直齋韻

露下蛩聲作亂吟驚秋日夜故園心孤蓬江閣
風塵隔雙杵人家月色侵宦海百年成浪跡雲
山千里託幽尋醉來何處看漁隱茅屋溪頭自

夕陰

金山晚眺

金山揚子半泓涵呼吸雲霞為吐含獨障波濤
迴海外相將形勝出江南千古樓臺淹暮景四
時鐘磬下寒潭衣冠幾度空悲慨昏黑諸天不
放叅

十人又

閒隨孤鷺度江潭山閣崔嵬繞翠嵐梵語忽傳
為憶路漁燈相映佛前龕帆迴極浦風猶正地

接新秋景獨酣對酒不須辭引滿巖花筵上落
甍甍

登甘露寺和喬白嵒先生韻

雲巒石磴俯江干草閣幽深六月寒半榻煙霞
畱客住滿城風雨共誰看松陰團蓋深藏寺泉
水浮渠近遶欄此日山靈應有望勝遊誰道欲
偷安

謝李川甫別駕枉過山廬

郡侯忽動山陰興野外爭看駟馬馳草草盤殮

真自愧青青山色待君詩聊隨引望酬春事未
許淹畱到夕時如此幾人能道氣不思林壑更
追隨

萬松書院與郡伯嚴木山都閩白溪分韻
得風字
城南短壑架長松選勝登臨此會同太守真從
魚鳥樂將軍不放酒杯空涼雲閣雨輕初散返
照緣江亂復紅共爾徘徊山下路葛巾輕度竹
溪風

送嚴木山太守之永昌

試馳五馬分符去直過黔陽銅柱標即使故人
輕遠別若爲賢者不中朝閭閻揖讓期初化邊
鄙氛祲喜見銷祖道卽今傷暑暍恐驚南土轉
煩歎

舟中望惠山

卽看只尺名山道猶阻登臨一水邊緝宇碧林
開曉望銀瓶翠管過隣船懸思故舊携尊酒未
得詩僧寄勺泉客况病愁炎海濶隔波楊柳聽

鳴蟬

憂旱

六月江南絕雨痕
鞭轡聲斷此溪村
却緣病渴頻回首
只合憂時早閉門
百里風塵空白晝
千家雞犬共黃昏
無勞史氏書民隱
郡邑今聞有杜君

鍾吾道中

狂飈急瀨人自愁
落日正照愁人舟
川原漠漠淹孤宿
黍菽離離遲晚收
泣路楊朱嗟更劇
知

非遽瑗見何由
十年江海空搖落
直比人心是逆流

得雨

久晴今日天忽雨
况乃江河秋杪時
浪已紛披打頽岬
燕初沾濕聚深枝
禾摧暑闕愁仍劇
沙潤泥溶恨較遲
只好新涼供寢食
可無餘念又風詩

贈萬都閩漕行次祝公韻

身勞王事仍將母
路入煙霄日近君
文武吉侯

元定國才猶鮑子合參軍錦帆雙鯉隨秋水形
矢孤鵬落暮雲清濟相逢頻說劔夜深樽俎愜
初聞

登高座餞別郭方巖
花外名山此重過望窮南國水雲多孤城返照
緣高柳古寺疎鐘出翠蘿且共開尊酬遠別寧
須斫劔入哀歌憑君雙眼看清世塞馬今聞不
渡河

黃鶴樓

城上高樓幾十尋丹甍下瞰大江深晴開楚望
衡湘接影動秋空河漢臨黃鶴去時人共遠白
雲飛處晝長陰自須尊酒供寥廓此地風流萬
古心

文會堂冊爲宗室誠菴題

堂成東郭俯青槐對客襟期傍酒開卷幔故邀
明月共看雲應爲好詩催華裾細逐憐芳草玉
笛頻吹怨落梅自是山公高興熟定從沽醉習
池廻

磚河夜遲洛原舟不至

本同行坐向江天
驀越孤舟却汝憐
如此月明那可住
更兼風正不須牽
室家翻詫爲行累
書劔應知與客便
今夜一尊期共醉
滄洲城郭莽寒煙

送別吳克昭

故人高誼薄雲天
湖海雲泥各惘然
撫景漫傾桑落酒
拂衣重上廣陵船
寒輕山郭金花現
日落江洲錦纜牽
惟有嘉魚詩不忌
木蘭南浦佇

風煙

雲洲卷爲蒲姚封君題

山沓川迴路轉迂
幽尋偏稱水雲居
情同蔣詡仍開徑
窮比揚雄合著書
西澁日長牽薜荔
小橋春暖狎禽魚
風煙相送柴門暮
却有芝蘭苑苑舒

梅雨

江南梅雨故霏霏
暑漉煩歎意轉非
潦水溜渠鳴別澗
濕雲垂野漏斜暉
常愁脾病仍求藥
偶

歷代詩選 明華作
試蘭湯欲振衣安得健遊登岳麓石牀高枕倚
崑扉

懷春

坐嘯城南不出門朝來暖氣動江村春殘紫陌
花饒笑人在高樓酒滿尊雲斷清溪江令宅雨
深芳草謝公墩榮華今古隨流水幽意誰爲達
者論
池口會李時行
漫勞車馬共徘徊往事堪憐一舉杯遠在江南

思薊北數隨春盡復秋迴移舟冉冉青山出近
岬翩翩白鳥來雲物更看經節變菊花猶倚異
鄉開

初入桂林憩觀音閣

梵王樓閣俯江隈門外諸峰罨畫開滿徑煙霞
僧獨住隔溪風雨我初來香銷石鼎寒光逗茶
熟山房午夢回蹙毳旌麾聊問俗可堪搖落望
鄉臺

全州道中

郊垌柳外問長亭吹面東風減宿醒
雉平原芳草沒浴鳧新水暮煙生
却嫌俗客山花笑又見村童竹馬迎
茅屋幾家春正暖卽從南畝看
深耕
觀漲
夜來雷雨闕江城今日城邊江水平
岍岍驚隱見天空鷗鷺劇飛鳴
嵐蒸地濕炊煙重日射波翻津樹明
便欲乘槎問牛斗十年湖海漫
虛名

西庄卷爲龍侍御題

茅齋寄在舊城西
邃塢平林接翠微
滿徑竹松隨意綠
出門禾稼待秋肥
漁郎野外時相問
猿鶴山中晚共歸
車馬獨憐塵斷夢
月明常憶卧牛衣

病餘答雪窗王子見過

城上高雲爽氣回
西堂過雨共徘徊
能令園豎供瓜果
不用牆頭送酒醅
病思已隨秋水逝
笑顏相傍燭花開
非關刺史能求益
自是王孫解

歷代詩選 明華仁編
愛才 送徐健夫任廣東兵憲
籍甚南州舊有聲傳呼今起慰蒼生由來出處
皆爲道須伏安危且論兵樽酒風亭芳樹密馬
蹄炎海瘴煙輕欲圖此後寬相憶折取梅花寄
遠行

懷胡浦南憲副
不上華亭幾幾年浦南風物尚依然情深麗澤
偏憐我霜落江洲獨放船萍梗光陰聊自適梅

花消息若爲傳祗應百折迴星漢望斷寒流入
暮煙

登謫仙樓

大江東望謫仙樓底事英賢此漫遊文彩星辰
天地老才名江漢古今愁青山埋玉春長在明
月傷心水亂流屈賈由來俱感慨何人曾爲憶

滄洲

寄貽寶雲僧舍次張司成韻

城南精舍比藍田乘興還從訪夜禪祇樹紫煙

羣鳥集珠林明月半窗懸常疑花葉飄空雨乍
聽松梢滴暗泉鐘磬滿天留法偈浮生方外與
心便

常山公署次壁間韻

霜空飛雁受風斜燈火長亭鼓亂搗雲斷三湘
猶作客月明千里正思家夢回高閣傳清漏愁
入孤城起暮笳爲問春來消息好馬蹄歸去踏
鶯花

次韻酬白平溪

朔風江上水增波客子行行意若何已信人生
皆逆旅乍聞春色動驪歌山廻平野寒猶滯雲
出西江雨更多對酒不禁惆悵久良辰多是異
鄉過

夜宿宣風館次王陽明韻

雨餘苔蘚上階痕流漫芳津草色渾隔水明霞
開石壁背人飛燕掠江村蹋歌道上春初滿歸
牧山中日已昏燈火祗應憐獨旅風光長苦役
吟魂

歷代詩選 明華仁雅
答郁春官見寄

春來無處不宜詩
翻爲淒涼漫爾思
京國風塵偏自惜
野橋花柳莫深期
雪融江路淹初騎
雨過厨煙濕早炊
應是君家憐獨旅
有時投贈隔分司
別華國儀

蘭舟昨夜在追尋
十里河梁去住心
燈燼不堪風雨妬
棹歌併人水雲深
窮愁未散春初動
世事方新酒共斟
惆悵野梅今日別
還如何遜欲

高吟

夜雨

山閣秋來思悄然
移牀看雨夜燈前
一窗涼意偏宜枕
衆壑涓流不上田
霑濕螢光還自照
淒微蠻語欲誰傳
可知宋玉悲搖落
榆莢空庭似去年

卽席贈華國儀

爲憶江洲送別時
岍花汀草喚離思
隔年消息勞相訊
傍水樽罍喜重移
欲上好山舟去遠
故

歷代詩選 明華 卷八
邀明月酒行遲池塘薄暮猶經雨催得吟情上
竹枝

題清遠峽寺

峽道縈迴並兩山諸天臺殿翠微間檐前雲影
低仍度寺下江流去不還玉笛可堪悲別曲丹
砂猶乞駐衰顏梵音時送僧房靜花雨空流石
洞斑

水樓續興

雲卧脩然數賦秋獨憐野外水明樓浮空霜葉

紅于醉低戶晴嵐翠欲流小小河魚堪入釣飛
飛江燕故窺舟湖江自許爲身侶廊廟誰將與
國謀

可竹

主人對竹常陰陰只尺瀟湘萬里心晝靜不教
延俗客歲寒應擬託知音蕭疎短榻雲全覆澹
泊清尊月共臨漫爾往來幽興熟不妨長醉倚
孤吟

戲東斗山

搖落西堂對遠峰朔雲寒菊麗晴空只妨野外
風霜老况乃山中臭味同引興尚誇詩有助衝
愁那謂酒無功林臯定擬傳觴坐消息先期折
柬通

湖上次東沙韻

卧病湖南舊草廬故人問訊今何如青春不倦
登山費野性從翻種樹書雨過林亭頻送酒雲
看石徑晚停車芳原處處催啼鳩共說農家已
夢魚

春日書懷簡張東沙

三年樗散林間閣萬里馳歸海上槎月俸無餘
堪參鶴陽坡有地獨宜瓜羞將短髮窺心事愁
對青春換物華賴爾詩篇相慰藉知予樽酒是
生涯

又

碧溪新水遶柴荆遠餉聊為隴上耕地僻不聞
時黜陟身閒兼廢日將近煙籠曉徑蘼蕪合雨
過春山麋鹿行花落秣防漁父見桃源一是不

歷代詩選
卷之八
世
知名

雪竇寺

路入崇山草樹薰半空
佳氣碧氤氳陰厓尚積
千山雪絕阪猶耕百畝雲
鳥度深林啼落日僧
歸幽澗煮香芹恐驚猿鶴
悲來晚幸喜煙霞得
共分

觀漲次甬川少宰韻

六月玄冥莽不收
忽驚川漲失平疇
漁家誤指
桃花听詞客空懷杜若洲
曠邈移時鬣獨鶴蒼

茫何處艤孤舟
晚來遮莫清溪遂
知有離人爲
倚樓

喜晴

雨歇村南潦正收
參差禾稼膩盈疇
千家煙火
初炊餉幾口江河漸吐洲
對景漫須歌郢曲懷
人重欲上蘭舟更邀明月開幽賞
吹笛風前嘯
倚樓

七夕詠牛女

碧漢星初麗
清秋夜未央
靚容牽夙愛
靈駕度

雲房想像風飄慢徘徊月過墻彌年歡乍合隔
水永相望聚散催人老馳驅覺爾忙金甌空杼
軸玉露冷衣裳素款乘雲歛遙心逐羽翔跡殘
奚更覓情重轉悲傷

次陽明先生韻

斜日林丘遠因君作勝遊興來拂石坐煙月駐
峰頭

桐江道中

灘轉波迴急江寒樹影稀傷心問流水何日爾

同歸

開河道中

趨家望何極樹暝鳥飛集獨坐更漏寒泉聲聽
來急

便面小景

波滌當秋發孤蓬憩林樾吟苦不成眠起坐候

明月

夜坐

江郭沈沈夜霜飛月滿空蕭然惟一室人在柝

唐詩選 明季佳句 廿七

聲中 水外 飛鳥 日暮 空蕭 然 此 一 宜 入 式

久雨

庭草泥仍亂 山鷄濕不飛 試占溪漲劇長沒 釣

魚磯

又面小景

隣雞鳴錯逆 江燕兩低垂 斷壁松煙重 山翁正

早炊

自述

歲月郵籤裏 蕭疎客髮雙 開帆愁自語 今日又

湘江

衡陽道中

簷牙鳥雀喧 似共愁人語 泥深不可行 前村復

煙雨

杜甫騎驢小景

白髮窮愁日 清秋過雁時 浣花溪上路 多是憶

君詩

山行漫興

絕巘深藏寺 縈廻一徑微 煙蘿拂晴憶 石燕觸

唐詩選

月華二節

三集卷廿八

廿七

年

歷代詩選 明華作

岸憤

岸憤溪頭竚晚風
盈盈花發渚蓮紅
兒童齊唱江南曲
落日猶看理釣筒

題畫冊

灌木陰陰晝景遲
故開江檻俯漣漪
幽人坐對渾無事
怪爾征夫問路岐

過梅關

鑿山已識張公力
失路誰知阮籍愁
雲雨天邊

忽朝暮折梅亭下問交游

玉池蓮碧

玉池秋水漾漣漪
花已含房藕已絲
十里香風吹不斷
行人猶擬華峰詞

赤壁仙舟

昨日風塵嶺外行
今朝章水放船清
客中秋色渾無那
煙紫霜紅點石屏

曉起偶述

斷鴻衝雨江洲夜
朝帶平林霽影還
誰謂浮雲

歷代詩選 明華作所
能蔽日鈎簾郭外見青山

又

朔風淒雨楚江濱紅紫霜林亦競春
勿向天涯悲寂莫滿船秋色可憐人

泊南昌城下

扁舟一發四千里暝樹寒流雜夢思
昨夜璿臺占氣象客星孤照楚江湄

讀馬內翰送行卷簡南泉年兄

詞臣惜別向天涯此日重翻卷裏詩
滿目珠璣

收不得憐君何事廣南歸

口占柬桂林諸同寅

八桂庭前花似簇七星天上影初垂
折花送酒人偏異香夢依稀繞舊枝

老婦歎

面目由來却恁真等閑翻覆爾恩嗔
鉛華本是無情物奩畔西風愁殺人

湖上偶述

春日溪頭雲黯垂雨鳴嘹歷轉絲絲
更添湖水

歷代詩選 明華作卯
深何許蘸却春居半竹籬

湖邊夜宿

風雨蕭騷去復留漫煙衰草滿汀洲漁叢相並
孤帆宿不道江湖有許愁

愁

溶溶雪釀水流急漠漠雲垂斷岍傾只尺夜昏
渾不見惟聞風雨打篷聲

洪州

楚雲狼籍常沾雨越客蕭條却畏秋悵望家山

何處是孤帆今夜宿洪州

春思

浮雲片片翳空山芳草萋萋陌路間遮莫天涯
游子恨春風江上幾人還

偶述

綠楊堤畔小橋橫煙雨樓前春鳥鳴過客懷鄉
重回首隔溪猶送讀書聲

江行

隔幔羣峰細靄生水邊幽鳥喚新晴蕭條猶作

歷代詩選 明華作所
長途客強半春光在雨聲

與胡醴陵年兄

故人邀我登山寺
纔入山中自有情
泉溜竹林相映帶
晚來鐘磬隔雲鳴

讌花藥次韻

花藥寺中樽酒綠
合江亭畔小桃紅
東風無限遊人意
還擬乘春看雁峰

排山觀中貽道士

山中道士數呼童
燒竹烹茶石室空
更采松花

作供養夜深猶自禮清宮

西施吟

西施絕代一佳人
誰向塵埃着眼真
及自寵憐爭識異
徒教溪女學空顰

贈別梁都閩

三湘流水催人遠
六月檣烏背我飛
莫怪離愁更如許
江南蝦菜日初肥

題竹

子猷性度元非異
與可精神或在茲
不是瀟湘

歷代詩選 明華在列
秋百畝半窗風雨亦堪疑

漁舟畫景

孤蓬江閣晚陰陰
樹色波光共醉吟
試向滄浪問消息
幾人還有濯纓心
鳥背共飛莫到鷓鴣

謝人惠山水

寶繪堂前一幅秋
何緣知己漫相投
年來未遂

幽棲願浪指雲山
是某丘

題畫

山自槎牙水自深
扁舟歸去夜沈沈
月明休更

頻吹笛江上梅花恐不禁

授無量寺僧次錢太宰韻

綠篁紅藥古雲門
誰共烹茶洗睡昏
脉脉海西猶百里
不勝吟望欲傷魂

次呂平川秋懷韻

隨風黃葉上階行
河漢牽牛迥別情
江榭晚涼疎雨後
芙蓉花蘸水痕平

送賈上舍炤歸杭

子長奇興任芳年
南度湘灘歷漢川
聽說西湖

消息好梅花香夢繞風煙

怡松卷

俯託重陰雲滿戶仰看空翠露沾襟清歌欲問
年來意風雨蒼龍夜夜吟

題畫

山轉斜陽樹影低草亭十里枕清溪徧階黃蘗
無人到時有幽禽隔竹啼

武城道中

武城縣前沙渚平草衰霜落蟋蟀鳴片帆欲下

江南路卧聽風聲雜水聲

雲間煮雪

九峰山色祕深寒六出花凝白玉團試取當壚
作清供党姬今夜入詩壇

襍詠

獨上高樓試小妝不勝春困減容光半簾風絮
閒無力盡日飛飛燕子忙
暖絲無力自幽楊睡起褰帷懶下牀宛轉不禁
春思澗滿庭芳草落花香

午夜西風枕簟涼酒醒無語獨思鄉青山數點
蒼梧外十二城頭更漏長
凍雲慘澹雪花天擁扇山中醉酒眠野鶴衝寒
忽飛去梅花開盡不知年

聞雷

暖氣憑陵喚蟄回江城五月始聞雷村農曉起
看田水一雨園林正熟梅

送王田總漕

漢將中原餽餉多萬艘煙雨接江河疎楓脆柳

齊南路太白樓前夜半過

貧女吟

幾年爲作嫁衣裳辛苦朝朝不下堂錯道西隣
莫雙雁愧將青鏡借容光

和姚載養地官韻

西風吹雨漫波流野客初乘江上舟直過衡陽
問消息數行征雁落峰頭

題畫

卧穩松林懶出山洞門長鎖白雲閒杖藜曉起

山前望秋在翠微黃葉間
花柳晴光處處春天涯芳草轉愁人畫船載酒
歸何晚家在江南湖水濱

訪張石川秋官不遇

爲憶相逢自石頭十年詩骨瘦于秋卽今猶是
大涯客腸斷鐘聲出暮樓

送別

潞河春放水汙汙五兩帆風曙影分塞雁不飛
人獨遠嶺頭南北有行雲

桐江除夜

客路殘年風雨中烹茶惟遣侍兒供春光又向
明朝換隔水頻聽午夜鐘

禁不嘲諸西涯借人不至

葉滿空庭晝掩扉燠安聊賴豈無衣人情自是
相逢好休訝江潭雁影稀

雨後

夜來聽雨擁吟牀雨過開門步短廊漸覺山城
新月上寒雲飛處漏晴光

送高生

束書歸去夜如何
霜落船頭語素波
幾度欲憑消息好
野梅江月影偏多

春景

草堂東望沅花溪
楊柳風高落燕泥
九十春光禁不得
綠陰深處鷓鴣啼

紅梅

踏徧江南皜雪風
香魂飄逐絳綃重
西湖昨夜涵新月
影落仙娥醉後容

鸚武

本爲能言可愛人
貝籠金鎖却生嗔
不知啼送春多少
空羨風林自在身

雨中送別

急雨高江水亂流
送將春色滿皇州
風拖呀柳低垂線
要與離人挽去舟

雲庄

梅子青青帶雨肥
驀投林鳥却驚飛
綠陰牆外催春老
茅屋雞栖獨掩扉

歷代詩選

池藕初華志喜

初放芙蓉香滿池晚風簾箔抒幽思更邀明月
開新賞好與隣翁覆酒卮

急雨高山水崩流

雨中望

石倉十二代詩選

三集卷二十九

梓溪集

大明

進賢舒芬著
後學曹學佺閱

雜詩

高秋風氣涼入樹聲更悲涼氣凌絺紅悲聲起
離思良人成浪子泛宅龍江濬寒蟬送哀韻山
木無榮枝仰歎望明月今夜如何其

機杼早倚壁促織更相勸日暮急傳燭了此殘

歷代詩選

月行國裳

三集卷廿九

祥

歷代詩選
針線輕風吹窗櫺不覺一聲歎藁砧在金陵歌
舞誰庭院願身爲衾裯寒至君自戀

三
蜻蛚鳴階前蟋蟀依我牀一夕不成寐九迴勞
枯腸孤燈懸壁影欲滅還復光照人豈無心焰
短怯夜涼披衣更起坐廢典爲文章

送黃年兄謫蓮塘丞

聖代盛文物鬱局多英賢
明主善任使廣政
罔有偏蓮塘壯哉驛僻在瘴海邊瓊耳水滴盪

梧茂山鈎連道理苟不通德化難旬宣賓客時
往來候訝誰周還厥或羽檄馳中絕軍弧懸皇
運方泰初此慮罔不然廟堂懷深憂保邦必歲
先黃君抱經濟大行富貴篇痛哭先帝庭國學
亦左遷竭來應執法柱下乞新憐導醜爲忠臣
掌候得異銓誠至自感化道直何尤愆南溟有
大翼影若雲垂天秋風看逍遙慎勿同飛騫

送潘膳部時雨復之南京

塞草雨露少不待秋深黃胡雛來牧馬日古以

爲常漢家二三將恃國勢盛強興師一十萬欲
決華夷防一戰飛將殺再戰貳師降激怒武皇
肝絕漠騰龍驤天威震殊俗無外奔賢王軍需
三十年農人廢耕桑輪臺不悔詔社稷幾擾攘
搜粟命都尉富民侯田郎漢業乃復定炎祚乃
復長乃知帝王理不治大與羊爲何于今人遠
略不監商引君匪仁義袞冕下戎行誰能討此
輩津淪亂賊當我將鼓其中舉旗陣堂堂潘子
惡無禮烏逐志飛揚默然別知己孤棹還建康

南方有奇士好音爲我將莫爲太平憂紀綱在
廟廊

林汝桓謫徐聞丞

武王雖至聖叩馬諫不聽周公雖至仁不恤首
陽貧常疑學未至感激空多事大化自流形好
醜原無情所以悠悠者呼吸牛與馬遠別愁如
何酌酒還高歌

題熊東谷道長便面

我有八尺龍云是大宛駒御之無良工飼之無

青荔伏櫪終日鳴愛然若長吁豈乏千里材仰
抹同墓乎請君與之粟一石春風馳驟長安都
王良與執靶韓生附其輿罄控範不失棣然舞
交衢千里萬里若歷塊瞬息八極不契需青驄
連錢汗流珠乃知逸足天下無
五玉祭未十月初四日晚舟次安慶是夕風雨
林而有雷電子疑爲天時之一小變因望
孤城爲誰存非感國士恩丈夫志節摧崑崙三

余忠宣公祠廟而有感焉作此弔之

到豈識顏平原神徂聖伏開胡運留此義氣凌
乾坤那知運厄雲雷屯盲風怪雨旻天昏西望
岷峨殺氣慘北瞻昂畢妖星燔無君無父總狼
顧稱王稱帝如鴟蹲變夷定知有真主就湯未
卜投降旛怒從睢陽作厲鬼笑作清水埋孤魂
聖主立極五典敘儼然祠廟江邊尊歲時父老
蒸雞豚我來拜奠惟清尊吁嗟古道空獨淪淒
涼風雨千家門

惡酒篇

四月二十晚夢李太白來訪予知其古人也
謹俟之而公脫然去行輩與談古今之變且
論杜子之詩予應以前輩云讀書破萬卷下
筆如有神乃杜之所以獨步一世而與先生
相翱翔也公未然焉予置小酌公痛惡不飲
一滴其人物昂盛顏如微醺聲琅琅誦伊近
日所為詩文數篇示予覺來忘之矣為之著

惡酒篇云

青蓮居士歸千年我今一夢胡為然夢中知公

是唐賢長材滾滾傾百川紋裁錦製三四千珍
輝寶耀人間傳乾坤萬彙心貫穿匠奇幻巧無
瑀鐫曹劉庾鮑空策鞭俛首謝公休槩鉛少陵
野老勛斗儼並驅躑躅爭後先當時騎鯨飛上
天精神昭回北斗邊消息變化今難詮魂魄安
得來茅椽入門逢掖華裾鮮我心疑之如旆懸
氣宇跌宕橫海鱸青空白鶴來蹁躑黑頭高帽
纓摩肩醜顏若渥美且鬢憶昔出入金鑾前揮
灑翰墨光開元貴妃捧硯天子憐力士脫靴雙

歷代詩選
手攣五侯七貴青春筵佳人扶醉送管絃王公
立馬試萬言粲花落落馬不遘秀眉輕揚髯欲
掀皇帝傳宣不上船胡爲夢我忘煩攔握我歡
愛如夙緣乍逢祇恐君言還不得與公久般旋
呼童酌酒銀燭然烹魚煮菜飲以鱸而公執杯
否不濺汗面若鵝舉手扇琅琅誨我詩幾聯座
客待之口出涎意公責我八簋籩或然惜我無
酒錢公才磊落不拘牽肯緣俗累忘流連抑公
天性惡酒泉道人鏡湖盟尤愆欲脫濁世葫蘆

纏戒哉騷客托酒泉道人鏡湖盟已堅巢父掉
頭不可援竹溪舊遊俱翩翩公未能去爲酒仙
謂公長醉酒家眠無乃好事喧蜩蟬文人詞客
從來偏但將奇怪相襲編老馬爲駒馱綿韉竊
脂啄粟非我田載鬼一車徒往旃新鬼舊鬼何
煩寃乘槎上泝黃河源阿嬌豈爲金丹捐公實
口不濡杯捲誣公大醉淪江涸酒名狂藥古重
玄祭祀燕享昭恭虔小人鋪餽隨物遷一醉日
富如昏顛天生豪俊志若蠲謂公肯爾心自癡

歷代詩選 明倫彙編
我今夢公愚罔痊爲公却著惡酒篇我生輕躁
公肯願公不少留我涕淚覺來斜月籠孤燵何
處深林啼杜鵑

贈董司寇

先生昔年拂衣歸有金不買華山地殷勤收書
數萬卷徒爲芙蓉溪上住芙蓉清影照寒冰秋
曉淡粧壓紅市先生對此心境罷不分時艱鬱
經濟云渠西風雄商夷萬物愁慘天地閉芙蓉
花葉獨崢嶸解使溪光儼春媚九重一朝思舊

德幡然契合耕莘志豸冠象簡入烏臺明年司
寇稱相位未論魯祿去公室直令虞廷從欲治
溪花溪水便蕭條四海春風笑桃李高情豈許
猿鶴怨移文只作俳優戲鍾呂休傳物外身丘
軻不厭人間世

雲崑 虎丘山之別名也太常卿劉君啓
居其下遂以爲號

青蒼半空立崔嵬坐失岱嶽疑蓬萊雲容清秋
見古色瀑聲白晝轟春雷幽厓未許鬼談理曲

澗亦引漁爭隈鶴飛直下支遁剎鹿遊或出姑
蘇臺湖光照映銀世界俗境隔斷煩囂埃瑤英
亂石珊瑚璉器松柏錯薪梁棟材降神更見奇崛
士濟時負荷經綸才列卿名位若拾芥致君心
事那能灰手中五色足補袞胸次一瀉寧空壘
詩傳申甫秉岳秀崧高欲賦羞體裁

送王生南遊太學

道德雖崇古人材不薄今金陵增地勝僻水浸
秋深兔樹紛新影鶯花約賞心相逢莫相訝四

海一朋簪

書東湖別意卷以屠侍御之請用顧司寇

韻

告戒一時語激昂千古心咏歌宜叶律珍重可
鏤金雨散花前酒雲迷鳥外林東湖竟何許春
水斷橋深

雨後望西山

欲寫山中勝須知雨後奇泉飛漂母統雲緞野
僧衣曉色傾乾竇嵐光護地維何當一登眺攀

石寫新詩

送王張烈年兄歸省

君王恩澤厚進士許還鄉
餘子皆奇遇何人有
報章新吹驚燕雀殘照下牛羊
我憶家山路徒勞秋夢長

送萬子旅襯歸鄉

煙雨楚江昏歸舟載旅魂
菊黃三逕冷岩翠一松存
舊愛應留鶴仙遊豈化猿
洪東尋宿草何日弔孤墳

過東流遇雨

晏歲東流路江雲黯寂寥
雨滋帆葉重風急浪花飄
鴻雁飛何遠蛟龍舞若驕
客懷何處遣隔岸酒旗招

送劉司訓之太湖

萬里青雲志十年黃卷功
屠龍憐技在索驥恨圖空
道重官應貴心清祿自豐
江鄉正春色桃李待東風

送秦友濟省親榮歸

春服初裁錦雲程遽促裝江花迎載酒沙鳥避
歸航虛譽傳人世浮榮戀帝鄉送君深愧我白
髮負高堂

送黃中書

愛君詞翰好相見未多時世路須來往人情惜
別離香柑初滿市瘴草已成絲風雨催春去芳
樽欲對誰

遊善果寺

古剎何人善果多慈航梅隱舊檀那雲松偶訪

驚猿鶴石磴高板引薜蘿洗鉢已看僧入定留
題應笑客長哦要知旦暮難飛錫他日還同雪
舫過

送人之任

長安春盡灞陵西篤速東風送馬蹄紅雨花迷
人遠近青山雲印樹高低民哀雁澤雖安集士
聖龍門賴品題千里大將明命賦行看功最籍
金閨

芳草

雲迷天際碧茫茫春色寧跨桃李塲風雨王孫
歸駟馬暮陰童豎下牛羊姑蘇苒苒吳姬老金
谷離離石氏亡最是六朝歌舞地帶煙含霧重
淒涼

隱士

犬吠柴門午未開悠然一枕到無懷壯心已負
乾坤大老髮從教日未衰草食木衣原野性秦
坑漢罵豈吾災白雲更與迷踪跡丹詔休銜彩
鳳來

自今扇

山陰曾倩右軍書物理遭逢事不誣珍重行藏
還在我等閑舒卷任從渠秋涼棄置人情薄曉
日徘徊聖澤濡今古清風渾不改夷齊孤竹許
相如

酒旗

樹外清風颭酒旗等閑搖曳好招携杜康家遠
何勞問卓氏壚深亦可窺影出古林標榜亂香
題竹葉寄書奇相逢愧不勝杯酌來往新豐價

不知

送人之楚

碧帆千里貯長風去住無因七澤通雲雨謾懷
巫女夢瀟湘堪奠屈原忠嘉魚穴畔苔花盡回
鶴峰前木葉空莫惜好音來寄我笑騎黃鶴挾
仙翁

中秋月

光滿人間秋滿天四郊無火草無煙謾言好景
自今夕須記清光似去年嬾女也應憐寂莫玉

人休用妬嬋娟若教李白生相見意向姑蘇掉

酒船

悲秋

新涼漸覺井梧稀不獨輕商透葛衣故國有懷
鱸正美玉人難別燕于飛地偏佳菊仍荒逕晝
短高榆易落暉吾道蹉跎亦天道笑伊騷怨苦
依違

燈花

何事燈花報喜開十分春色滿銀臺兩條放出

歷代詩選
雙龍種一炮輕敲二月雷
文焰直冲寒射斗
壯心未許爇成灰
玉堂後夜承優詔
人在金蓮影裏回

送王莘年兄省親

西風相送出都門
慷慨同袍未細論
紅樹馬前迎去旆
碧沙鷗外引芳樽
仙舟只許時流望
優詔何當國士恩
今夜我應眠不得
露寒蜻蜒斷歸魂

送謝年兄宗文歸省

一霎西風凍雨來
長安如畫淨秋埃
誰當驢背尋詩去
人自龍頭奪錦回
慷慨喜酬題柱志
經綸猶望濟時才
還朝定在嚴冬日
珂珮仍叨玉仗陪

送人歸楚

樾樹重雲隔楚天
從君又上洞庭船
思家我亦愁千里
爲客誰能耐百年
流水荒山撩野興
落花飛絮送春妍
壯遊莫便誇清散
四海蒼生正倒懸

復龐士龍

水暗風吹楚客舟，問津無語立沙頭。
投人應愧無家犬，喚雨偏嫌逐婦鳩。
世路羊腸還共險，何人肉食更多憂。
與君歸去青山看，白石于今也爛否。

少年別

香閣常疑檻外遙，何堪千里送征輶。
催行乍見旌旗動，惜別俄驚粉黛銷。
飛絮慢隨人意懶，落花香擁馬蹄驕。
黃昏日盡長亭路，高照銀缸伴

寂寥

留別許舍人文燦

謾將心事話連牀，魂夢淒然此夜長。
萬里風雲雙敝屣，十年江漢一空囊。
情如桃李偏愁雨，性似芙蓉未怯霜。
明日丈夫成好別，莫隨岐路挽衣裳。

京師二月見梅

長安風物異他鄉，梅蘂紛紛鬪艷陽。
未是化工殊往昔，爲教春色倍尋常。
山禽似識當年面，野

蝶驚尋此日香夜雨相看懷故里梨花不獨斷
人腸

初九夕入山次韻

月明如晝萬燈消松柏幽通一道遙寢殿音容
瞻彷彿茂陵功德仰岧嶢鐘聲鏗鏘深傳谷馬
足凌兢細渡橋灌罷不勝多感慨暖風渾爲病
軀饒

聞魏徧齋有陞大叅消息寄懷一首

我去閩中忽五年兩司官長盡陞遷勞心撫字

公猶爾守義行藏數亦然碧荔暖風花細細紫
薇涼月影娟娟清尊長憶論鄉曲老舶深期企
昔賢

送石潭汪宗伯次韻

南薰靡草易驚秋黑髮何妨便泛舟繞闕雲霞
猶在望打篷風雨未須憂尚書舊是公家物議
禮原爲世道謀清世幾人忘綬冕滄浪無伴笑
鳧鷗

送陳德英陞太僕少卿之滁州

滁陽山勝是瑯琊寒入滄江碧染沙昔許醉翁
成隱處今輸太僕寄官衙銓衡乍釋軍機重原
隰新看馬力賒兵甲未須夸小范訐謨還待獻
重華

送西原薛考功歸

今歲可憐何歲也北風朝士半南征浮沈我亦
難諧俗聚散誰曾不動情歲晏途長嫌日短冰
堅寒重怯衣輕離車更向西原去戛戛宮商韻
未平

烏石同遊倡和

轉避迴巒一徑深直窮烏石最高岑爲將佳節
酬孤興應被旁人識壯心山勢北來雲萬疊海
頭東望雪千尋揮毫欲掃煙嵐淨風雨今朝未
許侵

送呂涇野鄒東郭外補

陰風易水畔暮日黃金臺送君撫商絃絃絕心
悲哀

孤雲

一片孤雲逐漢飛東西終日竟何依
傍人莫道能為雨惟恨青山未得歸

贈人得美妾

不將蘭麝污衣裳顏色分明照洞房
疑是高唐舊時夢淡雲微雨約仙郎

漁隱

春波綠淨見魚蝦鷗鳥忘機興自賒
明月莫吹湖上笛有人離別怨梅花

漫書二絕

日照園花粉蝶輕東風高柳緩啼鶯
天涯遊子負春色空有故鄉千里情

處處春山杜宇啼家家燕壘濕添泥
行人萬里未歸得遠樹白雲雙眼迷

對雨有感

北風吹雨自瀟瀟漲浪何如江上潮
明月潮來江畔沒瀟瀟三日水平橋

次萬伍谿種竹遇雨

琅玕自是鳳凰枝標格難將世俗期
此日更栽

君子宅湘江秋老未曾知

石倉十二代詩選 竹園雨明三集卷二十九 終

五洲對蕭蕭三日木平齋

北風吹雨自蕭蕭

自雲雙燕散

雲

負春

日然園

卷之四

